

# სახალხო ბაზარი

სურათიანი ჟამბიზა

გაზეთის № 903

ლაგაბის № 159

კვირა, 26 მაისი 1913 წ.

## ზღვრები \*

ღრამა-ზღაპარი 3 მოქმ. 6 სურათად.

კერპთა ქურუმთა ცხოვრებიდან.

(მოქმედება სწარმოებს არმაზის მთის მიდამოში, მეორე საუკუნეში).

### მოქმედების პირები:

მეფარმაზ, ქურუმთ მთავარი.  
 იახე, პირველი ქურუმი.  
 მოასე, მეორე „  
 არამ, მესამე „  
 აფრე, მეოთხე „  
 ზადე, დიაკონი.  
 ნანა, პირველი მონა კერპთა.  
 ნუნუ, მეორე „  
 მაია, პირველი მსახური, გამრდელი  
 ნანასი.

ზორვა, მეორე მანური ქალი.  
 ვაი, მესამე „  
 მნათე, კარის კაცი.  
 რევე, მეფე არშაკუნიანი.  
 ვაგელი, სახლთ უზუცესი.  
 ძეა { სიზმრად.  
 ასუ }  
 სხივა, ვითა აღმინის სხეული,  
 სხივით მოცული.

მოზარე, მებუკე, ამაღა და ჯარის კაცი.

### მოქმედება პირველი.

#### პირველი სურათი.

ნანას მღვიმევი, მგზავი გამოქვაბულისა, ხოლო ოთხკუთხე; მარცხნივ კარები, დაბალი და მუხისა, მარჯვნივ ქვისავე საწოლი, ზედ სადა ლოგინი, რომელზედ-ცა წევს ნანა; ამა მხარესა რგვლი სანათური, საიდანაც მთვარის შუქი იჭვრიტება; უკანა სადა კედელი. ბუღბუღის სტვენა, ნაკადულის ხმაურობა.

სურათი სიზმრისა: რული სიბნელე მღვიმეში; ნანა ზეზეა, და ფათურობს; მის წინ ირდევვა უკანა კედელი და წარმოუხვევა ეღემის ბალი; უკან ხეივანი ვახისა და მათ შორის აყვავებული ვარდის ბუჩქები; სულ ბოლოში კლდე, რომლის პირიდან გადმოჩუბჩუბებს წმინდა წყარო და იყოფა ორად მომდინარე, აქეთ-იქით ვარდის ბუჩქთა და ვახების ძირასა; ბუღბუღის სტვენა; შემდეგ სრული მზის სინათლით მოცული იქაურობა; ფრინველების მოძრობა და მათი ვივილ-ხივილი.



ლაშქრად გაწვევა. ნახატი ვალერიან სილომონ-ერისთავისა.

(ამ სურათის დედანი ორშაბათიდან გამოფენილი იქნება ჩვენს რედაქციაში. ნახვა შეიძლება ყოველ დღე, დღის 10 საათიდან 3 საათამდე.

### 1.

ნ ა ნ ა.

ნანა. (ძილში ბორგავს მოუ- სვენარად) ია... ია-სე... იასე!..

### 2.

ნანა, ძეა, ასუ.

ნანა. (შეწუხებული) რა სიბნელეა... თუმცა-კი ვხედავ, ვითა გრძობითა... ღმერთო მზისაო! შენ გამინათე... მომფინე, მზეო, შენი სხივები...

ძეა. (სრული სინათლე) სადა ხარ...

ნანა. (რა მოესმის ხმა, მისწრაფებით) მე...

ასუ. აქა ვარ, ცხოვრების სამოთხეში, სიცოცხლის წყაროს სათავესთანა...

ნანა. (გაშტერებით) ნეტარ...

ძეა. (შეხვედებიან წყაროსთან) შენ!..

ასუ. (ერთმანეთს გარდაეხვევიან) მე!..

ნანა. (კარგა ხნის შემდეგ) ნეტარ არიან...

ძეა. ჩემო, სიცოცხლის წყაროვ დაუშრეტლო...

ასუ. შენ, ჩემო ღმერთავ, ცხოვრებისაო...

ძეა. შენ, დედოფალო, ამა სამოთხის...

ასუ. შენ, ჩემო მეფევე კაცობრიობის...

ნანა. რა ბედნიერნი... ხოლო შიშველნი...

ძეა. შენ დაგენაცვლოს ყოველი...

ასუ. მომეკარ, მცივა... ხედავ? სხეული...

ძეა. გულში ჩაგირავავ... ესლავ შეგმოსავ ვარდ-ყვავილე-

ბით...

ნანა. დასამშვენებლად?..

ასუ. მიმიკარ გულთან; მით მაგრძობინე სითბო ნეტარი ..

ნანა. ვით მშობელ მიწას, ჩემის ღმერთისა, მზისაგან სხივი...

ძეა. თვით ზენას მოვწყვეტ ბრწყინვალე მზესა...

ნანა. როგორ, ჩემს ღმერთსა?!..

### 3.

ნანა, იახე.

ნანა. (ძეა და ასუ განუქრებიან თვალთაგან რა გადადგავს ნაბიჯსა, მოველინება იასე) იასე!..

იახე. კერპ ზადენისა?!.. ნუ, ნუ იხვევ პირსა... რად ჩრდილავ მაგ მეტყველ სახეს, ვით მზე ბრწყინვალე ღრუბლიან დღესა?..

ნანა. წესია ესე... ჩვენ მამაკაცთან ქალები პირს ვიბურვიდეთ და, ვით მონანი...

იახე. მონანი?!.. წესია თვით მამაკაცთა შემოღებული და მთავართაგან ესე კანონით დაწესებული?!.. ხოლო ბუნების ქეშმარიტება დავიწყებული?!.. არა! ვაჟი თუ ქალი სულიერ მუცლით, შობილ არიან, ბუნების დაკანონებით სწორნი არიან...

ნანა. ღმერთო მზისაო! ნუ თუ ეს სიზმარი...

იახე. ცხოვრება ჩვენი თვით სიზმარია... ხოლო ცხადლივ განცდა ხორციელია, სიზმრად-კი სულიერი... მაგრამ ერთიც და მეორეც სიზმრად გონების სითამამეა, რაც ცხადლივ გულით დაფარულია...

ნანა. სიზმარი?.. მოძღვარო, მერე და გონება გულსა რათ ეურჩება?..

იახე. ეგ შედეგია არა ბუნებრივი კანონების მორჩილებისა.

ნანა. მაშ, რასაც გული ვით-ხრობს და გერჯის...

იახე. იგივე არის საქმეელი... დაუტევარი, თუ არ დაინთხა, გაჰხეთქს ქურქელსა.

ნანა. იახე, რაქნა... მე... მე შენ მიყვარხარ...

იახე. აღსდექი, ნანა, ვითა ფხიზელი ამა ქვეყნადა... შე-

იხენ ეგ საბურავი, აამოძრავე ეგ შენი გული გაყუჩებული, ვითა ქალისა დამონებული და შემომხედე მეტყველის თვალთ, ვით სხივმა მზისამ გაბრწყინებულმა...

ნანა. (უცხად მოისხნის პირიდან თავშალს, ადგება და ცახცახით მიეკრობა იასეს) იახე, მიყვარხარ... მცივა... ხედავ, ვკანკალებ...

იახე. ეს ბუნებისა კანონია... როს ვარდი შეკოკრებული, დილის სინათლით გარემოცული, ელის მზის სხივსა, ათრთოლებული, რომ მითი გული გარდაიშალოს, შიგ ჩაიკონოს, რათა საამო-ნეტარებითა გარდაიფურჩქნოს...

### 4.

იგინივე, მეფარმაზ.

ნანა. მაგრამ... ღრუბელი?.. შავი, ვით...

მეფარმ. (წამოადგება) რათ გავიწყდებათ კერპთა მოძღვრების წესნი და მთავართაგან კანონდებულნი...

### 5.

ნ ა ნ ა.

ნანა. (სიბნელე სიზმარი განქრება, იგივე მდგომარეობა ნანას მღვიმევეში) ია... იახე... (ნელ-ნელა დილის სინათლე შემოიფინება; ბუღბუღის სტვენა მისწყდება; იწყობა შაშვის გალობა, მერცხლის ქიქიქი) ღმერთო მზისაო... (თვალე გახელილი, პატარა ხნის შემდეგ გამორკვეული) სიზმარი... რა ტკბილი, მასთან რა მწარე იყო... ახ!... ღმერთო მზისაო!... ნუ თუ?!... არა, არა!...

\*) მსხვერპლი, იხილე ვახუშტის ისტორია—ვახუშტის საქართველოს ისტორია გვერდი 52 და 60; ლექსიკონი ს. სულს. ორბელიანისა გვერ. 112.

არჩილ ჯორჯაძის დაკრძალვა.



ქვაშვეთის ეკლესიიდან გამოსვენება

6.

ნანა, მიაა.

მიაა. (შემოაღებს კარებს) დილა-მშვიდობა, მოძღვარო მზისა!

ნანა. შენ და მშვიდობა...

მიაა. შენ, შვილო ნანა, რათა ხარ ეგრე ფერ-დაკარგული? არ ვარგა, შვილო, გულაღმა ძილი...

ნანა. არა...

მიაა. უთუოდ, შვილო, სიზრმად ნახული...

ნანა. (პირს მოიბრუნებს) სიზმარი... სიზმარს ვირდგენდი... გამრდელი მაი! მითხარი, გამოცდილებით: რაც ძილში დაგსიზრმებია, ცხადლივაც ის აზნდენია?

მიაა. ეგ დაცდაზეა, მნახველის გონება მახვილობაზე...

ნანა. გონების... მაგრამ, პირის ასახვევზე, ვითა ლაგამი?... (ჩაეკვრება) ჩემო გამრდელი!... ერთი მითხარი: არის სიყვარული? შენ განვიცილა როდისმე იგი?...

მიაა. ჩვენდა სიყვარული?!... (მიიხედავს კარებასაკენ) ეგ ხომ ნიშანია გრძობა მხედველობისა... ჩვენ კი მაგისტვის გვაქვს (აჩვენებს მოსახვევზე) პირიც ამით აკრული...

ნანა. (მოიგლეჯს მოსახვევს) მაშ, რათ ამღზარდე, აბა ..

მიაა. (შეშინებული მიიხედება, შემდეგ მოახვევს მოსახვევს) ნუ, შვილო... წესია... ვინც უესძლოს, მან დაარღვიოს... მე კი, განა შემეძლო შთამომავლობით მე მონობაში...

ნანა. (ვით დამორჩილებული) მერე, და ვინ შემოიღო?...

მიაა. გამიგონია მთავარ მოძღვარმა...

ნანა. მერე, რომელმა?...

მიაა. მეფარმაზს წინათ ქურუმთმთავარმა... ვითომც არ-მაზმა, ვით ღმერთმა, მან შთააგონა, ბებიაშენი როს მოიტაცა...

ნანა. ბებია ჩემი?... მერე საიდგან?...

მიაა. ბებია შენი, შვილო, ქალდეველთ ღმერთის მსახური იყო; ამბობენ, შვილო, მის სილამაზის ბადალი თურმე მხოლოდ მზე იყო. ჩვენს ღმერთსა არმაზს სურდა მსახურად იგი ჰყოლოდა; და რომ ქალდეველთა ღმერთის მოძღვარმა არ დაანება, მთავარქურუმ იგი მოსტაცა. ხოლო, ბებიაშენი გზაში ეურჩა; და, აი, მისთვის თავშალით პირი აუკრა და შეუბურა. შემდეგ მანვე ცოლად დაისო

ნანა. მერე, და ძალით დაიმორჩილა?!

მიაა. დაიმორჩილა... შემდეგ მან წესად დასლო მეფისა დაკანონებით, რომ მზისა ღმერთის მონამსახური ცოლად შეერთოს ქურუმთა მთავარს...

ნანა. როგორ, მაშ, კანონი არის...

მიაა. დედაშენიც ამავე წესით...

ნანა. როგორ! კანონი ჩემს უნებურად... აი, იმ გონჯზე..

მიაა. ჰო, შვილო... დღეს გისრულდება დღე ასაკობისა.. გუშინ მომკითხა თვით მეფარმაზმა ეს ანგარიში... და გადასწყვიტა, რომ იქორწინოს სიხარულითა...

ნანა. როგორ, მან იქორწინოს?!... გავხედე მის ცოლი... იმ მახინჯისა?!... უწინამაც დღე დამელიოს...

მიაა. რას იზავ, შვილო!... ასეთი წესი კანონია...

ნანა. არა, ღ არა!.. ჩემო გამრდელი! მე, მე ის არ მიყვარს...

მიაა. (შეშინებული) შვილო, მოძღვარო მზისა, მაგისტვის, გმართებს მოთმენა...

ნანა. არა, და არა... გამრდელი მაი, ხომ შეიძლება: მე შევევედრო თვით ღმერთ არმაზსა?... იქნებ მან შემიწყნაროს, რომ იგი არ მიყვარს... და ეგებ მას შთააგონოს...

მიაა. არმაზი?!... მერე და განა შეგვისმენს იგი?... ბევრი დაღვრილა მის წინა, შვილო, მაგგვარი ცრემლი... მაგრამ კერ-

ნა, მას ქვის გული აქვს... თვით, ვით რკინისა, უღმობელია.. და ამისთანას განა გრძობა აქვს?...

ნანა. მაშ, რა ვქნა მაი!.. როგორ, მაშ როგორ, ჩემო გამრდელი! მე ჩემსა გრძობას და ამ გულის თქნას...

მიაა. (ამ დროს მოისმის ყრულ მძლავრი თითბრის ლასტის ხმა, რაზედაც ნანა შეეკრთება; ხოლო მიაა, ვით გამოცდილი) ეს ნიშანია...

ხმა გარედან. ნებითა ღმერთთა დღეს ნადიმია. ზნე ჩვეულება ღმერთთა დადებულ და მეფეთაგან დადასტურებულ დღეს ასრულდება: მოძღვარი მზისა შეერთვის ცოლად ქურუმთა მთავარს.

ნანა. როგორ, ძალითა!? არა! უწინამც ნანას მზე თვისი ღმერთისა დაჰხველებია...

ფ ა რ დ ა .

მეორე სურათი.

კერპთა ბაღი. უკან ტაძარი არმაზისა; რაძარსავე სიგანეზე ხუთი ფართე საფეხურია, ხოლო ძირის საფეხურიდან მოზრდილი სვეტები, რაზედაც არის ქვის სახურავი კარების სიგანეზე და გადათაღული ტაძრის კარების სვეტებამდე; კარები მუხისაა, რაზედაც ამოჭრილია ღმერთების სახე შეიარაღებულითა; კარები იღება შიგნით; ზემოთა საფეხურის მოედანზე სვეტების წინ ღმერთები: ზადენისა და ეფროსისა; ხოლო მეამე საფეხურის მოედანზე აქეთა და იქით აღმართულია ქანდაკებანი ღმერთთა გაცისა და გაიმისა, ზადენი მიწის ფერისაა, ეფროსი—ლურჯისა, გაცი ყვითელი, ვით ოქრო და გაიმი თეთრი. ზადენს და ეფროსს წინ უდგია ფართე შანდლები, საიდანაც ღვივის გაუქრობელი ცეცხლი.

დილაა; ფრინველების ხმაურობა, შორიდან მოისმის მესტვირის წყნარი ხმა. ბავშვების გაღობა დილის ლოცვისა! „დიდება ღმერთთა“...

1.

მ ნ ა თ ე .

მნათე. (უსიტყვოდ, მოწიწებით ავა კიბეებზე, ზეთს მიუმატებს შანდლებს: შემდეგ მუხლს იყრის კარების წინ და ხელეგ აპყრობილი ლოცულობს. სამჯერ კარების რაკუნნი მოისმის; მიიმედ ჩამოვა და ავა კარების გასაღებად).

2.

რ ე გ , გ ა გ ე ლ .

მხედრის ტანსაცმელში არიან. გრძელ კამბლეს მიაყუდებენ ხეზედა. მივლენ, ჯერ ძირის საფეხურთან მუხლს იღრევენ; შემდეგ რვეი მალლა ადის, მას მიჰყვება გაგელი, მუხლს იყრის ტაძრის კარების წინ, მალლა ზელების აპყრობით ლოცულობს; კარგა ხნის შემდეგ წამოდგება, თავის მოხრით აქეთა და იქითა ღმერთებისკენ ხელეგ აპყრობილი მობრუნდება კარებისაკენ.

რეგ. არმაზ, ღმერთო ქართველისაო, მპყრობელიო, გამგე ცისა და დედამიწისაო! იყავ მფარველი ჩემის ქვეყნისა. მოეცი შვება... (თავ-ჩალუნული დაბრუნდება და ჩამოჯდება გადაჭრილ ხეზედა) გაგელ, ჩამოჯექ...

გაგელ. რა მიჭირს, ასედაც ვახლდე ჩემსა მეფესა.

რეგ. რაში მეტყობა... განა ამ გვარად ჩვენ არ გვეტყობა თანასწორობა?

გაგელ. არა საცმელით, არამედ მოქმედებითა კაცი იცნობა...

რეგ. ჩემო გაგელ, ხშირად ადამიანის გარეგნობა გვიპყრობს:

არჩილ ჯორჯაძის დაკრძალვა.



ქვაშვეთის ეკლესიის წინ.

გაგელ. ეგ ხომ ქალების სისუსტეა.

რეგ. ქალების?!.. არა, ქალი, არც ისეთია, როგორც ჩვენა გვგონია. იგი როგორც ბუნებითაა ნაზი, ისევე გულითაა ფაქიზი... ვითა ადამიანი, ყურადღებისა ღირსია...

გაგელ. ბოღიში!.. ეს დედოფალს არ შეეხება; იგი იშვიათი ქალია.

რეგ. დედოფალს?!.. არა! არა...

გაგელ. მეფე! ვბედავ და გკითხავ; რაღაც გაწუხებს... გკადრებ! გულის იარა გავქვს დაწყულულებული... თავის დროს თუ არ იქნა გაკურნებული...

**რევ.** მერე მკურნალი?... და მისი მკურნებელი?..

**გაგელ.** ნუ თუ არ ძალმიძს მეფისათვის...

**რევ.** მეფისათვის?!.. და არა მეგობრისათვის...

**გაგელ.** მეფევ! მაგით მე მაწყენებთ...



**კომპოზიტორი დიმიტრი არაყიშვილი.**

მისი მომავალი კონცერტების გამო ტფილისში.

**რევ.** არა, ჩემო გაგელ!.. ერთი კი არა უნდა იყოს მეფისთვის, არამედ მეფე ერისთვის... აი, რას მასწავლიდა მამაჩემი, როდესაც აქა მგზავნიდა...

**გაგელ.** მაგრამ თუ მეფეს გული...

**რევ.** დაკოდილი აქვს?!.. თუ მამაჩემი არ შემობრალა... შიზეზი ამა გულისა... სიყრმით საუნჯე შეაგლო ტყეში ნადირთა კერძად... ხოლო მისი ყრმა გამოუგზავნა ზორვად არმაზსა...

**გაგელ.** ჩვენს ღმერთსა არმაზს?..

**რევ.** მაგრამ, რა არის, ვთქვათ, შვილიშვილი... როდესაც მამა თავის პირში შვილს ზორვდა სწირავს და, ვითა ნადირს, თვითვე ყელსა სკრის არმაზის შესაწირავად... ჰოი, ღმერთებო, როდის მოღებება ეგ თქვენი გული... როდის იკმარებთ უმანკოთა სისხლსა, რომ აამეტყველოთ ეგ ენა დაღუპებულნი...

3.

**იგინივე, მნათე, ზორვა.**

**მნათე.** (გამოჰყავს ზორვა, დაანახებებს რევს, ხეს მოეფარებიან).

**გაგელ.** მიბძანე, მეფევ! სადაც იქნება, მოვსძებნი...

**რევ.** მხოლოდ-და სულსა?..

**გაგელ.** თვით მის მშობელსა... ვფიცავ, არ დავიზოგავ...

**რევ.** მჯერა, ვიცი ვაჟაკსა ეძრახვის, იგივე მეგობარს არ ექვის... არა, ჩემო გაგელ, თუნდ მოიძებნოს, რისთვის?..

**გაგელ.** იგი იხილოთ... მით განიკურნოთ...

**რევ.** დედოფალი? იგი ერმა მოიხმო, დედოფლად მანვე გამოაცხადა... იქნება გგონია: მეფე ვარ უფლებით აღჭურვილი?... არა, ჩემო გაგელ, სახლთ უხუცესო! ეს ჩემი გული მე აღარ მეკუთვნის... (წამოდგება წასასვლელად) სასწორი მწონელს უნდა სწორედ ექიროს. მე ვარ მეფე ამა ერისა და, ვით მთავარმა კანონმდებელმა, უნდა ვაძლიო მით მაგალითი...

**გაგელ.** მაგრამ...

**რევ.** ეხლა კი დროა მივხედოთ სასახლეში...

4.

**მნათე, ზორვა.**

**მნათე.** (წინ წამოვლენ, ეტყვის და კარების ჩასაკეტად გავა) ხომ გაიგონე?..

5.

**ზორვა.**

**ზორვა.** ქართველთ ღმერთებო, ნუ, ნუ მოისურვებთ ჩემის შვილის სისხლსა...

6.

**იგინივე, მოზარე.**

**მოზარე.** (გამოვა ტაძრის კარიდან. აახმაურებს თითბრის სინს და შემდეგ ისევ შებრუნდება).

7.

**ზორვა, გაი, მაი, აფრე, ზადე, არამ, ნანა, ნუნუ.**

ერთის მხრით პირ ახვეული, ქალები; მეორე მხრივ კიბესთან ხელაპყრობილი მამაკაცები ლოკულობენ. ამ დროს ტაძრიდან მოისმის სინის ხმა ერთხელ. ნანა და ნუნუ ავლენ, სვეტებ შუა მუხლის მოყრით ხელებ აპყრობილი გაჩერდებიან: ნანა ზადენის წინ; ხოლო ნუნუ—გაციის წინ; დანარჩენი ქალები ამათ მხარეს კიბის საფეხურებზე; მამაკაცები კი მეორე მხარეს. ქალების მხრით ზოგიერთნი კვითინს აყლაღებენ ბავშვთა ხმაზე; ხოლო მამა-

კაცები ღაღადიო გალობენ. კარები გაიღება და გამოჩნდება: ტაძრის შუა ღმერთი არმაზი თვალზე გაბჭყვრილებული, მია უკან მოსჩანს ალი. ვითა თანიდგან; წინ ხელებ აპყრობილი სდგას მეფარმაზი, მარჯვნივ და მარცხნივ: ისევ და მოასე. პატარა ხანს გალობა შესწყდება, გაისმის ორჯერ სინის ხმა, მამაკაცი შეველენ ტაძარში, მუხლს მოიყრიან და, რა მობრუნდება მათკენ მეფარმაზი ჰათდა დასალოცავად, გაისმება გალობა იმავე კილოთი; სამჯერ სინის დაკვრის შემდეგ ისევ გამოვლენ.

8.

**იგინივე, მეფარმაზ, იასე, მოასე.**

**მეფარმაზ.** ნება ჩვენის მთავარ ღმერთისა, ძლიერი არმაზისა, დღეს აღსრულდება: ნანა მოძღვარი, ვითა მონა მზისით ღმერთისა, წარსდგება წინა ძლიერი არმაზისა; მიიღებს მისგან ნებითა კურთხვას, რათა ეცოლოს მთავარ ღმერთების მოძღვარს...

**ნანა.** მე... მე...

**მეფარმაზ.** შენ დღეს დაგიდგა წუთი ბედისა. ნანა, შენ, ქალსა, ვით ქალთ უღირსთა შორის, მოგეცა ნება ტაძრად შესვლისა და ღმერთ არმაზის უზორვად მისი ამბორი...

**ნანა.** მე... მე უზორვად?... არა...

**მეფარმაზ.** დროა, მოხვიდე და ეამბორო მთავარ ღმერთს არმაზს მოწიწებითა.

**ნანა.** მე... (მუხლის მთავზე დაეცემა ღმერთი ზადენის წინ) ღმერთო მზისაო, შენ გამინათე მე კვალი გულისა... ნუ ნუ დამიბნელებ გონებას...

**მეფარმაზ.** ნუ დაავიანებ... მით არმაზს ნუ გაარისხებ...

**ნანა.** არა, არა, მე არ ძალმიძს... მუხლი მეკვეთება და გული მითრთის...

**იასე.** ვგონებ, იგი უქეიფოდ არის...

**მოასე.** ეგ არაფერია, რა წარსდგავს ნაბიჯს, ღონეც მოეკრიფება.

**იასე.** (შეამჩნევს, ნანა ტორტმანებს) ნანა თავს ვერ იმაგრებს... მაი, მიხედე... მთავარ მოძღვარო, სჯობს ხვალისათვის გადასლო...

**მეფარმაზ.** ზნე-ჩვეულებით დღეს უნდა მოჰხდეს.

**იასე.** რა უშავს მერე ხვალისთვისა...

**მოასე.** მით დაირღვევა წესი ღმერთებისა, რაც არ არის კარგი მლოცველისათვის.

**იასე.** ხვალ იყოს; სალოცავადაც ხვალინდელი დღე გამოცხადდება.

**მეფარმაზ.** იასე!... ნანა! მოძღვარო მზისა, გელის არმაზი მთავარი ღმერთი ქართველებისა.

**ნანა.** (თავჩაღუნული წამოვა. მისი რჩევით და დარიგებით. ცოტახანს კარებში გაჩერდება; მუხლთა კვეთებით შევა და დაეცემა არმაზის წინა. წყნარი გალობა. კარგა ხანს ქვითინებს; შემდეგ ხელებ აპყრობილი) ღმერთო არმაზო! ძლიერო, ყოვლისა მძლიეო! გთხოვ, ეს ჩემი გული დაიპყრო და დაიმონო... გემუდარები, ჩემი გონება დაახმო... ეს ჩემი სული შეხუთო... გაჩერდი გულო...

**მეფარმაზ.** ნანა, მოძღვარო მზისა, ქალს ეღვრძალება...

**ნანა.** (წამოდგება) როგორ, ლოცვასაც მიშლით?..

**იასე.** მთავარ მოძღვარო! გული მლოცველთა თანასწორია...

**ნანა.** (შებედავს, შეამჩნევს, არმაზის მნათობ თვალებსა) რაო, რატომ არ გამიყუჩებ ჩემს, ამა ჩემს გულსა სხვისთვის ანა-



**წერა-კითხვის საზ. თელავის სკოლის მოსწავლენი საექსკურსოდ.**

ძვერალსა?... არა და არა... ხომ ხედავ, შენს ძალას ეს ჩემი გული არ ემორჩილება... თუ ხარ ღმერთი, გამიყურე...

**იასე.** ღმერთო!.. დაუტევარი, თუ არ დაინთხა, გაჰხეთქს ჭურჭელსა...

**ნანა.** (მოიგლეჯს მოსახვევს) დიახ! კმარა!.. მე მეფარ-მასს ცოლად, არა და არა...

**იასე.** (მივარდება დასამშვიდებლად) მოძღვარო მზისა!.. ნანა...

**მეფარმასი.** არმაზი ზორვადს თხოულობს... აიყვანეთ ბნელაში...

**ნანა.** მირჩევნიან ცეცხლში დავიწვა, ვიდრე შენ გონჯსა, ცოლად დავესვა...

**იასე.** დამშვიდდი, ნანა...

**ნანა.** იასე...

**მეფარმასი.** წაიყვანეთ ბნელაში!..

ფ ა რ დ ა .

**მ ო ძ მ ე დ ე ბ ა მ ე ო რ ი .**

**პირველი სურათი.**

ქართული დიდი დარბაზი: შუაში ოთხი დიდი სვეტი, რაზედაც დამყარებულია ტერის თალი. შუაში მოსჩანს გუმბათები; შენობა დაჩუქურთმებულ ნათალი ქვისაა, სვეტები წარმოადგენენ ადამიანის სახეებსა; უკანა სვეტების წინ ამაღლებულად, რამდენიმე საფეხურით სდგას სავარძლები: მეფისათვის და მეფარმასისათვის; ხოლო წინა სვეტების წინ მალაქებზე დაიდგმება: ერთი მხრით არმაზი, მეორეს მხრით ზადენი. სვეტებ შუა სდგას გრძელი მაგიდა, და გარს სავარძლები. შუა დღეა. მზის სხივები ზევიდან მაგიდას დასთამაშებენ.

1.

**მ ნ ა თ ე .**

**მნათე.** (თითბრის სინის ხშირი რაკუნით) მოაბძანებენ ჩვენ ღმერთებს (გაისმის ვალთა „დიდება ღმერთთა“... (მუხლს იღრეკს, ხელზე აპყრობით) დიდება თქვენდა, ღმერთებო!.. ძლიერო, ჩვენო, არმაზო! მოიღე ნანაზედ მოწყალე თვალი...

2.

მნათე, ორი მსახური, მეფე, მეფარმასი, იასე, მოასე, არამ, აფრე, გაგელ, ზადე, ღმერთები: არმაზი, ზადენი. წყნარად მხრებზე სკაცით შემოიტანენ ღმერთებს და დასდგამენ თავთავის ადგილს მეფარმასის მეთაურობით. გალობა და სინის რაკუნით შეჩერდება, რა ღმერთები დაბინავდებიან. ყველა თავთავის ადგილას დაჯდებიან და მეფარმასიც მაგიდის თავში სავარძელთან მივა, მნათეს მიმართავს.

**მეფარმასი.** მნათეს ნიშანი სამსჯავროის დაწყებისა...

3.

**მეფე, მეფარმასი. იასე, მოასე, არამ, აფრე, მნათე.**

**მეფარმასი.** (სამჯერ გაისმის სინის ხმა. კარებში დადგება მნათე) ნებითა ჩვენის ღმერთების, თანადასწრებით ჩვენდა ქართველთა მეფის, იწყება განსჯა მზისა ღმერთისა მოძღვარ ნანასი... მოძღვართ სამსჯავროე! ჩვენი ძლიერი ღმერთი არმაზი მოითხოვს, რომ დაისაჯოს მოძღვარი მონა ნანაი... მან არა თუ, ვით ქალმა, არამედ მასთან მოძღვარმა გაჰბედა... მან დაარღვია ჩვენის ღმერთების ზნენი და ჩვეულებანი... საჭიროა იგი ხალხის წინაშე სამაგალითოდ დაისაჯოს, რათა შიში და მოკრძალება ქალებსა შორის აღარ დაირღვეს და შეურყევლად ღმერთთა ზნე-ჩვეულება მონათა შორის დამკვიდრდეს...

**მოასე.** საჭიროა ნანა, მაგ ურჩობისთვის, თვითარამაზისა ცეცხლში ჩაიწვას...

**იასე.** მსაჯულთა ნებას მოვითხოვ (გაჩუმდებიან) შეხედეთ მზის სხივს, რა რიგად ჩამოქვრეტილა... მაგრამ ღრუბელი, ვით ავი სული, თუ მას, აი, ეხლა გადაეფარებოდა ველარ შევძლებდით ერთმანეთის ხილვას.

**მეფარმასი.** მაშინ სანათსა აქ ვუბძანებდი...

**იასე.** დიახაც... თუ ღრუბელი მზეს ეფარება... წარმოვიდგინოთ: სუსტი, ნაზი ქმნილება... ნანა ქალია, ხომ შესაძლოა იმის გონებას რაიმე გადაეფარა... ჩვენ არც ის ვიცით, შეიძლება ის ეხლა სინანულშია... ამისათვის ვითხოვ: მოვიხმოთ ნანა და შევეკითხოთ...

**მეფარმასი.** მე...

**მოასე.** მაგრამ, აქ სამსჯავროში, ვით ქალს, არ შემოესვლება.

**არამ.** ეს კანონია...

**იასე.** მაგრამ თუ მეფე...

**მეფე.** მე ვაძლევ ნებას მოძღვარსა ნანას.

**მეფარმასი.** მნათე! მოძღვარსა ნანას აქ იხმოზს მეფე.

4.

**იგინივე, ნანა.**

**მეფე.** მე, ვით მეფე, მას დავარიგებ და მოწინების კვალს დავაყენებ... (ნანა, პირ ახვეული, თავჩალუნული მოწიწებით შემოვა და უკან გაჩერდება) მოძღვარო ნანა!..

**ნანა.** (უცბად წამოვა წინ და მეფის წინ მუხლ-მოღრეკილი დაეცემა) მეფე, კეთილო...

**მეფე.** მოძღვარო ნანა! გმართებს სიმშვიდე... მოთმინებითა ზნე-ჩვეულებას დაგმორჩილე... შენ მოძღვარი ხარ და მით მოქმედებით შენის ხალხისთვის სამაგალითო ხარ...

**ნანა.** რაეჭნა, კეთილო მეფე, რომ ჩემი გული, ამა გონებას ეურჩება, არ ეთანხმება.

**აფრე.** (არამს) მეფეს როგორა ჰკადრებს, დიაცი ესაუბრება...

**მეფე.** ეგ გამრდელის ბრალია... ვერ აღუზღინხარ მორჩილებაში... კარგია კმარა... აღზღეკი ეხლა და სამჯავროს წინ მოინანიე...

**ნანა.** (ადგება, თავჩალუნული მივა, სამჯავროს წინაშე) მე, ვით მოძღვარი... ნანა ვე-მორჩი-ლები... და სი-ხა... სი...

**მეფარმასი.** სთქვი, სთქვი ნანა...

**ნანა.** (ამ ხმის გაგონებაზე უცბად შესდგება, შეხედავს იასეს) არა... არ შემიძლიან... კეთილო მეფე, გთხოვ ეს გული... მკერდი, მკერდი გამიბეთ და ამომგლიჯეთ ჯიუტი გული...

**არამ.** როგორა ჰბედავს დიაცი ქალის გულის ხსენებას...

**აფრე.** მას ასახვევი ფართეთ ჰქონია...

**მოასე.** შანთითა ენა მისი დასადალია.

**მეფარმასი.** არა, მთლად თავის გულით სამაგალითოდ უნდა დაიწვას...

**იასე.** ნუ თუ მოძღვართ სამსჯავრო ამას უკვე სწყვეტს?..

**მეფარმასი.** გადასწყვეტს და მეფეც დაადასტურებს...

**მეფე.** მეფე არ სჩქარობს... სანამა ნანა გულს არ მოიბრუნებს...

**იასე.** გული... მეფე ძლიერო, სამართლიანო! თქვენც ქართველთ ღმერთების მოძღვარ სამსჯავროს წევრო! განა გული კენჭია ქვისა, რომ სადაც ვის უნდა იქ გადისროლო?.. გული ქალისა თუ მამაკაცის, განა რითიმე ის განსხვავდება? გულით საზრდობს ჩვენი სხეული და თვით გონებაც მასზეა დამყარებული... რა ჰქნას გონებამ, თუ გული მას არ ეთანხმება... ქურუმო ღმერთთა? განა შესძლებთ თქვენ მზისა სხივების ხელში დაჭერას და დაკავებას?..

**მეფარმასი.** იასე, შენ მეტად გაკადნიერდი!..

**მეფე.** დაე ლაღაღაყოს ქეშმარიტება...

**იასე.** განა და თქვენ, თქვენის ბძანებით შესძლებთ ღრუბლების ამოძრავებას? განა თქვენ შესძლებთ მბრწყინვალე მზის სხივთა ჩაქრობას?.. მას შეიძლება შავი ღრუბელი გადაეფაროს და აქ დედამიწის სიბნელე მიმოფენოს... მაგრამ როდემდის?! რა დედა-მიწა თავისუფლად ამოისუნთქავს, ამა ნიავით შავსა ღრუბლებსა გარს მიმოფანტავს და მზე მბრწყინვალე სიამოვნებით გულს აგვიტოკავს... ზნე ჩვეულება და კანონები?.. ეს ხომა ცვალებადია... დრო იყო, როს ქართველები თავიანთ მკვდრებს, კი არ მარხვიდნენ, არამედ სკამდნენ და მეზობლებსაც უნაწილებდნენ. მაგრამ, იკურთხოს მკედლონელი ალექსანდრე, მოვიდა იგი და, რა დაიპყრო, მკვდრებისა ჰამა ჩვენ და წინაპართ მიერ უარჰყო და აღუკრძალა... და, აი, ეხლა ამა როდისმე ჰირისუფალთა გაუხსენევით, ვგონებ დაიწვენ წარსულ სირცხვილით...

**მეფე.** მაკედონელი ალექსანდრე... დიდაც, ის დიდებული, ძლიერი იყო...

**მეფარმასი.** (მოასეს) ვგონებ დროა არის, თორემ მოხიბლა ჩვენი მეფე...

**მოასე.** ჩვენო ღმერთებო, ჩემი სიზმარი...

**იასე.** ღმერთები... ღმერთისა ნებით...

**მოასე.** (წამოვარდება) ვაგვიწყრა ღმერთი, ჩვენი არმაზი... საუბედუროდ ჩემი სიზმარი ამიხდა დღესა...

**მეფარმასი.** როგორ!.. რას ამბობ...

**მოასე.** ვითომც ჩვენს ღმერთსა, დიდსა არმაზსა მნათე თვალები დაბრმავებოდა... და ჩვენგან იგი ზორვადს ითხოვდა...

**მეფარმასი.** (ყველანი მივლენ, რა იხილვენ თვალებს გაუნათლებლებს მუხლის თავებზე არმაზის წინ დაეცემიან) რას ნიშნავს ლიკროთა, ძლიერო არმაზ, შენი სიბრმავე...

**მოასე.** ზორვადს, ზორვადს თხოულობს... აი, ეხლა მე მომაგონდა რაც მან სიზმარში მითხრა: „სანამ დამრდევდეს არ შევიწი-ავ მე ამ თვალებსა არ გავახილავ... და თუ უარჰყევს? სიბნელით მოვიცვამ აქაურობასა...

**მეფე.** (ლოცვით) ღმერთო, არმაზო, ნუ, ნუ შემრისხავ...

**იასე.** როგორ, უსულო სულიერს მსხვერპლად თხოულობს?.. მერე და მაგას, რომ გული ჰქონდეს ადამიანის, განა სიცოცხლეს მსხვერპლად მოითხოვს?..

**მეფარმასი.** (განრისხებით) იასე ღმერთა წინააღმდეგია?!..

**იასე.** არა ღმერთთა, არამედ კერბთა...

**მეფარმასი.** მნათე! იასე ბნელაში...

**იასე.** განა ეხლა-კი გარს სიბნელე არ მახვევია?..

**ნანა.** იასე!

**იასე.** ნანა!..

ფ ა რ დ ა .

(შემდეგი იქნება)

ს. გლახაშვილი.